

也然非今年所為之事未免時習之不正而至以欺罔罪之則恐或不中故言之也宜勿待罪

癸未慶尚道水川農民驅牛出野俱雷震死

甲申以閔忠元為刑曹正郎李瓘暴疾叱淫時論不齒為安州

牧使李櫓為遂安郡守銓曹者亦排公論而曲循干請戚晚之

南彥經為砥平縣監○夜巽方如火氣

乙酉黃海道黃州民男一人雷震死

丙戌諫院啓曰咸鏡南道節度使李潤德武人也已未上親

德扶護有功自是恩眷以年少武夫濫荷聖恩驟陞二品職

至連帥榮寵極矣所當感激報効之不暇而性本驕妄加以貪

縱侈然自大常懷無厭之心居官行己素多汎濫之事不容於

公論久矣自赴任之後不體聖上丁寧之教防備撫恤等事

置之度外蔑視方伯洪凌駕守令任情使氣無所不至日以侵

漁剝割為事卜馱絡繹於京家軍卒之嗟怨盈於一道不特此

也率來咸興妓生於本營遭國恤之後送還其家曾未幾日不